

蜀南臨印 鄭欽安著

醫
齒
癰
圓
通

劉氏藏板

周氏甲戌
刊於成者

叙

嘗閱各家著作皆有精義獨嫌者大海茫茫無從問
津予亦粗知醫每閒暇必細檢閱隨地隨時窮究天
地生人生物盈虛消長這個道理思之日久偶悟得
天地一陰陽耳分之為億萬陰陽合之為一陰陽於
是以病叅究一病有一病之虛實一病有一病之陰
陽知此始明仲景之六經還是一經人身之五氣還
是一氣三焦還是一焦萬病總是在陰陽之中仲景
分配六經亦不過將一氣分布上下左右四旁之意

探客邪之伏匿耳舍陰陽外豈另有法哉予不揣鄙陋採取雜症數十條辨明內外判以陰陽經方時方皆納於內俾學者易於進步有戶可入雖非萬舉萬當亦可為醫林之一助云爾

同治甲戌季夏月蜀南臨邛鄭壽全欽安撰

序

余向就刑幕厯膺牛廡訪王爵令楊明府之聘恐
而造孽退樂性餘酷嗜醫然不欲行人知邀必赴
仲景六經平脈辯症處方輒去不知其貧富亦無
賤遷徙恒無定雅不作門市想閑居讀靈素難經
知其意必解出多不成帙任其零星亦無意收束
秋得臨邛欽安鄭子醫理真傳一書點讀再過知
有所得於性理而涵養者深藉醫為發明耳發於
醫則救醫也切救醫切則濟世也宏殆樂善而自
好者與神

交久之冬乃晤一見如故稱快事焉適醫法圓通又
成及門議復鋟欽安謙謙君子出草索摘疵噫無瑕
矣何虛心若是耶特以醫闕人性命書留傳久遠不
得不慎抑又仁慈之心也余粗知醫故知欽安之醫
高高必傳傳仲景也傳欽安欽安傳仲景六經之法
仲景之六經顯而欽安亦與之俱傳是欽安因傳仲
景之六經而傳而欽安之所學先於仲景之六經而
有所得者亦賴仲景而共傳由是推之書之傳與不
傳恒視其人之學為何如耳余愛欽安之書實愛欽

安之學欽安之學漸臻圓通之境故名其書曰圓通
因識其圓通慕其圓通爰樂為圓通之評夫著醫法
圓通者欽安也而評圓通醫法者為麻城知非敬氏
時在藥亦千變而其收效則如一素問八正神明論
清之同治十三年甲戌中秋序於錦城廬山僊館無
形嘗之無味故謂冥冥若神髣髴又曰觀於冥冥者
言形氣營衛之不形於外而工不知之以日之寒溫
月之虛盛四時氣之浮沉參伍相合而調之工常先
見之然而不形於外故曰觀於冥冥也於無窮者

序

聞之醫者意也謂以我之意消息病人之氣機審其
盈縮相其陰陽定其中外各守其鄉以施攻補證有
千變藥亦千變而其收效則如一素問八正神明論
曰合人形於陰陽四時虛實之應冥冥之期視之無
形嘗之無味故謂冥冥若神髣髴又曰觀於冥冥者
言形氣營衛之不形於外而工不知之以日之寒溫
月之虛盛四時氣之浮沉參伍相合而調之工常先
見之然而不形於外故曰觀於冥冥焉通於無窮者

可以傳於後世也是故工之所異也故俱不能見也
夫不能見而工常先見之若神髣髴上合昭昭下合
冥冥通於無窮傳於後世此之謂圓通至圓者莫如
珠譬之意珠是也惟其能圓是以能通所通維何通
神明也通造化也夫神明造化乾坤定位主宰者理
流行者氣對待者數理氣數三者渾為太極判為兩
儀四相成乎八卦三才立而五運分六氣變而四時
行百物生而八風動於是乎苛疾起而莫能逃此之
謂法法天效地法陰則陽知升知降知潛知浮知迎

知拒皆通以意而成為法法即意珠也即智囊也皆
性花也然之言也必醫者先得弄丸心法從河圖洛
書一順一逆先後八卦能顛能倒默而識之學而不
厭有諸已而後能驗諸人以圓通之心法著圓通之
醫法豈易易哉余於醫道究心有年求其識此意者
或寡矣不意友人鄭欽安者有醫法圓通之書焉余
迴環讀誦見其編中如論乾坤論坎離論五行論六
步論氣血論水火論外感論內因論陽虛論陰虛總
其要曰陰陽而已又曰有餘不足盡之矣又曰人活

一口烝皆根柢之談不同泛常之論又非杜撰悉推
本於靈素難經及仲景傷寒金匱之義所載各方盡
是經方所引時方出不得已非其本懷作之謂聖述
之謂賢欽安之書吾無間然矣非洞明乎一身之氣
機圓乎三才之理數而先得醫之意者其能之乎其
言又皆數十年來臨症效驗及與二三及門互相質
疑辨難所彙而集者精覈不移萬舉萬當誠度世世
之金鍼醫學之標準也余既珍而寶之復僉愚授梓
以公諸世欽安之造福奚有量耶吾知其克昌厥後

矣不揣固陋因以頌為序時



醫法圓通卷一日錄

用藥弊端說

喉蛾

心病不安

兩手膀背痛

肺病咳嗽

心痛

肺痿肺癰

胃痛

胃病不食

臍痛

脾病嘔吐泄瀉

疝證

肝病筋攣

遺精

腎病腰痛

頭痛

目病

耳病腫痛

鼻流清涕

鼻孔煽動

唇口紅腫

齒牙腫痛

口臭

舌腫舌痛重舌舌強舌麻舌木舌縮

醫法圓通卷一

蜀南臨邛鄭壽全欽安編輯

楚北知非處士敬先甲雲樵評

易廷金華齋

全校

馮景奎聚五

用藥弊端說

用藥一道。關係生死。原不可以執方。亦不可以執藥。

醫不執方。樂在平日求至理而

探玄奧一得上
中下陰陽實據
用藥即不誤人
病家知此理法
延醫入門以此
審其高下決其
從違萬病回春
立說之功不淺
此先醫醫而後
醫病家具見良
工心苦

貴在認證之有實據耳。實據者何。陰陽虛實而已。陰陽二字。萬變萬化。在上有在上之陰陽實據。在中。有在中之陰陽實據。在下有在下之陰陽實據。無奈仲景而後。自唐宋元明。以逮本朝。識此者固有。不識此者最多。其在不識者。徒記幾個湯頭。幾味藥品。不求至理。不探玄奧。自謂知醫。一遇危症。大海茫茫。陰陽莫曉。虛實莫辨。吉凶莫分。一味見頭治頭。見腳治腳。幸而獲效。自誇高手。若不獲效。延綿歲月。平日見識用盡。方法使完。則又藉口曰。病入膏肓。藥所難療。殊

不知其藝之有未精也。更有一等病家。畧看過幾本醫書。記得幾個湯歌藥性。家人稍有疾病。又不敢自己主張。請醫入門。開方去後。又或自逞才能。謂某味不宜。某味太散。某味太涼。某味太熱。某味或不知性。忙將本草備要翻閱。看此藥能治此病否。如治與病合。則不言。不與病合。則極言不是。從中添減分兩。偶然獲效。自矜其功。設或增病。咎歸醫士。此等不求至理。自作聰明。每每釀成脫絕危候。雖盧緩當前。亦莫能治。良可悲也。更有一等富貴之家。過於把細。些小